



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail: tiryimiyim@gmail.com

TAPAK 7

Yangia anidakangma :



Tir Yimiyim



tir_yimiyim



tir yimiyim

TAPAK 8

Iran ken o timba angatettepogo, Strait of Hormuz lapoktsü: Trump

Gulveer Singh-i national record ka yangluogo



VOL. XXIII ISSUE NO. 221 (ADOK 221) DIMAPUR TENTONÜ (MONDAY) MONUPII (MAY) 25, 2026

₹ 5.00

Telangana nung tatsük agi nisung 16 asü

Hyderabad, May 24, 2026 (Agencies): Telangana nung heatstroke ajanga asür kibong shia nem sorkari Rs 4 lakh teyari agütsütsü metetdaksüogo.

Telangana Minister Ponguleti Srinivas Reddy-i Secretariat nung rondak senden ka ayonga amen aser idanggi heat wave kanga mejungi süiba indang tebilemstü lemsatöp. Iba ajanga district 7 nung nisung taküm aika samaogo.

Telangana nung temperatures kanga tatsükba akümer aser India Meteorological Department (IMD)-ia taruba anogo asemnü tashi heat wave tuluba süitsü tekümdangtsü metetdaksüogo. Iba asoshi, district collector tem dang küküma atatsü aser relief measures inyaksü tetuyuba agütsüogo.

Telangana nung heatstroke ajanga nisung 16 taküm samaogo. Parnokji Jayashankar Bhupalpally nung nisung pezü, Warangal Urban, Karimnagar, o Nizamabad nung asemsem aser Jogulamba Gadwal, Rangareddy, o Suryapet nisung kaka lir.

Iba tensa anema ketdangsurtemi public places nung cold drinking water ayutsü, ORS packets & buttermilk alemstü aser emergency medical services renema alitsü tetuyuba agütsüogo.

IMD-isa May 26 tashi Telangana nung Hyderabad, Rangareddy, Karimnagar, Khammam, Nalgonda, Suryapet, Mulugu, aser Mahabubnagar dena district aika nung 'severe heat wave warning' osang metetdakja lir.

IMD-isa taruba anogo tenet tashi Central aser Northwest India kübok tesem aika nung severe heatwave conditions ajurutsü tekümdangtsü metetdaksüogo.

Maneni, Eastern aser Peninsular India nunga taruba anogo asem nungi pungu tashi tatsük ajurutsü. Ajisüaka May 29 nungi temekongba akümtsü ta IMD-i ashi.

IMD aser weather experts-i taruba anogotem India nung state aika nung temperatures 45°C aser 49°C tsüngda ajangshitsü ta metetdaksüogo.

Manipur kaketshir 2 tepsetba atema ka apu

Imphal, May 24, 2026 (Agencies): Manipur nung 2023 küm kin o kin mepetmesü adoka raradang kaketshir ana tepsetba ken o dak sendakba nung tai tonglokja alir ka puogo.

Iba tatalokba ya Central Bureau of Investigation (CBI)-i bushisüngdanga arur aser parnokji security forces den külemi nisung ka apu.

Churachandpur district nung joint operation ka agidang Nohgin Baite Kuki (Tiger Nohgin) apu. Pa ya KNF(Zougam) nung commander lir ta osang ajanga ashi.

Honibarnep security

personnel aser CBI ketdangsurtemi mita aodang pa apu aser yashi nikongdang 4:00 ako meta Guwahati-i anir ogo.

2023 küm Manipur nung Linthoingambi Hijam aser Phijam Hemanjit tepsetba atema CBI-i bushisüngdanga arur. Kaketshir ana ya June 6, 2023 nungi samar bushitepa liasü.

Tena samaba sülen ita ishika lir tena indang noksatem online nung prokshi aser iba ajanga Manipur kübok tesem aika nung nübortem jashidaksü. Iba anema nübortem lungkak ait aser temeten meshia takhangba balala agüja liasü.

Nagaland Police-i sensotem kümdanga alitsü mepishir

Dimapur, May 24, 2026 (TYO): Manipur nung mepetmesü adoka aliba agi Nagaland nunga kongshitsü akok ta bilema Nagaland Police-i nübortem dang yimjung meraksatsü, kin o kin putepa alitsü aser küküma alitsü mepishia metetdaksüogo.

Director General of Police Rupin Sharma-i nübortem dang tebilemstü bena inyaksangshitsü aser social media nung mejangjatetba mesüra kuli maliba osang, olulu aser mangatettep adoktsü aketba content meprokshtsü metetdaksüogo.

Online nung osang tai aser kuli malibatem meproksüla kechiyong tanü artificially generated content nung lendong keta lir ta pai ashi.

Manipur kübok Kangpokpi

district nung nisung pur aoba atema search operations tagidak nung Nagaland DGP-i iba osang metetdaksü.

Nagaland Police-isa sensotem dang state adena orr tatalokbatem asoshi o mashii mejembitsü aser olulu nem manisadaksütsü ayongzükogo.

Manipur tensa jungjunga repringdar aser Nagaland nung law & order tiptema ayutsü atema mapa ajak inyakdar ta ketdangsurtemi ashi.

Taila osang, olulu mesüra mepetmesü adoktsü osang prokshirtem Bharatiya Nyaya Sanhita (BNS), Information Technology Act aser tanga ozüngtem kübok merenshitsu ta Nagaland Police-isa metetdaksüogo.

NEET UG 2026 atema Education Minister anentsüla: NSUI



New Delhi, May 24, 2026 (Agencies): NEET UG 2026 medical entrance tatidang athiba atema National Students' Union of India (NSUI)-i Deobarnü Guwahati nung lungkak aitogo.

Centre-i iba tatidang agiba nung tim masüba inyakbatem atema tenüng agitsüla ta NSUI züngsemtem aser kaketshirtemi takhangba agütsü.

Iba sentong ya NSUI National President Vinod Jakhar-i anir agi aser parnokji BJP-i aniba sorkari tatidang maparen kümzüka meyteter ta tai tongloksü.

NEET UG 2026 indang paper leak ya kanga junga tasa atonger inyakba mapa nung shilem ka lir aser sorkari iba ken o asoshi teinyaktsü tim meinyaker. Tatidang dak sendakba ashishitep ken o tem ajanga linük nung kaketshirtemi

timtemer ta Jakhar-i ashi.

"Lanurtemi BJP sorkari nungi telangzüba meshir, sorkari paper mafia den yaritepa paper temai adokba atema telangzüba meshir" ta paisa metetdaksü.

Iba ashishitep ken o atema Union Education Minister Dharmendra Pradhan-i mapa nungi manen lir aser sorkari mapa meinyak tashi NSUI-i lungkak aitba manentsü ta Jakhar-isa metetdaksü.

NSUI züngsemtemi linük ajungalen kaketshirtem dang examination system nung tebilemstü aliba aser recruitment & entrance examinations nung tim masüba inyakba atema ola adoktsü ajungmesogo ta paisa shisem.

NEET UG 2026 athiba ajanga linük kübok tesem aika nung

nisungtemi lungkak aiter aser tai tongloksü. Kaketshir teloktemi tashishitsü maliba bushisüngdang ka asütsü aser national-level examinations kümzüka ayutsü asoshi inyakyim takang latettsü takhangba agütsü.

National Testing Agency (NTA)-i May 3, 2026 nü agiba NEET-UG 2026 tatidang athiba osang metetdaksü. Iba tatidang indang question paper temai adok ta shia tatidang athi aser iba ajanga candidates 22 lakh dak kongshiogo.

Centre sorkari iba ken o ya Central Bureau of Investigation (CBI) nem agütsüogo aser parnokji bushitepa arudang nisung aika puogo.

NTA-i June 21, 2026 nü NEET-UG 2026 tanaben agishitsü osang metetdaksüogo.

Assam sorkari Counter-Radicalisation Cell amenoktsü

Guwahati, May 24, 2026 (Agencies): Assam sorkari lanurtem kümzüka ayutsü atema iba cell amenoktsü. Nisung kari danga Assam lanurtem anisatsü merangra ozüng tesashi agi merenshitsu ta CM Sarma-i ashi.

Tali bilemloka oa

inyaksangshir dang nungi lanurtem kümzüka ayutsü atema iba cell amenoktsü. Nisung kari danga Assam lanurtem anisatsü merangra ozüng tesashi agi merenshitsu ta CM Sarma-i ashi.

"Telok mesüra kija kari danga ozü lanur manisadaksütsü aser

parnok tarutsü meraksadaksütsü. Assam-i iba anema akangkanga inyaksü" ta pai ashi.

"Lanurtem kümzüka ayutsü atema counter radicalisation cell ka amenoktsü" ta CM Sarma-isa shisem.

CBSE language curriculum nung Khasi aser Garo züngsemer

Guwahati, May 24, 2026 (Agencies): Central Board of Secondary Education (CBSE) language curriculum nung Khasi aser Garo oshitem bendenlokogo.

Iba ajanga 2026-27 academic year nungi CBSE nung züngsema aliba schook tem nung oshi ana ya optional third-language subjects ama tenzüktsü.

CBSE OASIS portal nung 'revised list of languages' agüja aliba nung Khasi aser Garo dena lir. National Education Policy (NEP) aser National Curriculum Framework (NCF) kübok three-language format sayaba kübok iba ya adener.

Tesüiba nung CBSE ajanga

updated language framework nung oshi anaprong madenba ajanga Meghalaya nung tebilemstü balala lemsatapa liasü.

Iba sülen Meghalaya sorkari CBSE ketdangsurtem den ajurutepa onük lemsatep aser regional languages ana agizüktsü atema rongshia liasü.

"CBSE language structure nung Khasi aser Garo dendaktsüba atema Union Education Minister Dharmendra Pradhan dang pelar" ta Meghalaya Chief Minister Conrad K Sangma-i ashi.

Iba lemtet ajanga kaketshirtem yaritsü, shisaliok rejutemi tetsükdaksü ajuruba ajemtsü, language educators

yaritsü aser Meghalaya nung oshi sobaliba kümzüka ayutsü ta Conrad-i ashi.

Iba inyakyim ajanga education system-i oshi aser maitsü temeyoktep agizükba aser akhümtsübuba sayur ta paisa ashi.

CBSE portal nung iba osang agütsüba ajanga Meghalaya nung CBSE-affiliated schools 100 tema nung approved language options nung Khasi mesüra Garo dendaktsütsü akok.

Iba ajanga national education system nung Khasi aser Garo jenjang tajungba akümtsü aser Meghalaya nung kaketshirtemi pei tetsü oshitem angazüktsü ajungmesotsü.

Nagaland Bhojpuri Samaj-i tatidang nung takok angurtem tushi



Dimapur, Monupii/May 24 (TYO): Bhojpuri kin nungi HSCL, HSSLC aser CBSE tatidang nung takok tajung angur parnok 40 nem tenüngsang agütsüba sentong Nagaland Bhojpuri Samaj-i Durga Mandir Hall, Dimapur nung Deobarnü ayongzükba nung Nagaland Angh Nand Kishore Yadav dena liasü.

Angh Kishore Yadav-i iba sentong nung jembidang, takok anguba ya pei kisüng tejak tentetsüba indang masü saka

kin ajunga asoshi tejak tentetba mapang lir ta ashi. Pai kaketshirtem dang maneni bendanga agütsür ajemalua aser temulungtetba tulu nung azüngtsü ayongzüka liasü.

"Mangdang tulu yuang, yangji ranglokang aser lokti aser linük asoshi shilem tajung agütsüba senso tajung akumtsü atema inyangang," ta pai ashi.

Pai takok angur ajunga nem tenüngsang agütsü aser ibai nenoki meranga azüngba, yimya tajung amshiba aser nür

tsürabor aser tesayur temi tanen makai yariba ajanga lir ta ashi.

Angh-isa Bhojpuri kin dang Nagaland nung loktiliba aser sobaliba nung maneni shilem tajung agütsü ayongzüka liasü.

Iba sentong nung tetushi tesemdang BJP state treasurer Kamal Jain-ia o tatsüka jembia liasü.

Sentong tenzüka Nagaland Bhojpuri Samaj tir Rajeev Singh-i tarur pela agizükba o jembia liasü.

Wokha district nung mezüngbuba SIP tenzükgoko



Libemo Memorial School, Wokha nung School Integrated Programme tenzükdang tangokba noksa ka nung Ajay Sethi den kaketshir, tesayur aser tangartem angur.

Dimapur, Monupii/May 24 (TYO): Wokha district nung shisaluyim tsütsü tejakleni aoba nung tongtipang alizüng ka tongteta, Hokulbarnü Libemo Memorial School, Wokha nung mezüngbuba School Integrated Program (SIP) tenzükgoko.

Ibai district nung science education aser competitive examination atema renemshiba atema tetenzük tasen ka alitsü.

Iba inyakym tenzükgoko sentong nung Therali menden liasü aser Loreni Ezung-i sarasadem, kong kaketshir, tesayur, tsürabor, tongtipang nisungtem aser stakeholders tem dena liasü.

Libemo Memorial School indang principal Surojit Mitra-i pela agizükba o jembia aser science education tajung agütsütsü LMS temulungtetba nung lir ta ashi.

Iba sentong nung Ajay Sethi, Managing Director, NITI

Academy, Nagaland ajanga kaketshir tem yimya tajung amshitsü, teti meranga azüngtsü, scientific temperament alitsü aser tetoktepba balala atema renema alitsü indang jembia liasü.

Pai kaketshir dang mangdang tulu ayutsü aser medicine, engineering aser tanga professional nung careers yanglutsü atema Nagaland nung anguba maongka amshitsü ajungmesoa liasü.

Paisa Nagaland nung STEM education temaba jenjangi ajungkettsü asoshi ayongzüka liasü, koba shilem nung lir aser India shilem 40 dak tema nung lir.

Iba sentong nung tongti o jembir Chandrakant Bharti, Principal, Government Higher Secondary School ajanga tarutsü putu asoshi yanglushitsü atema kaket reju temi inyaktsüba mapa tem lemsatepa liasü.

Iba sentong nung Merilo Kikon, Director, LMS ajanga science azünger kaketshir ajunga nem Science aser Mathematics kaket tem den Daily Practice Papers (DPPs) lema agüja liasü.

Iba sentong ya ajanga Libemo Memorial School nung Science stream tenzükgoko, koba Wokha district asoshi terenlok maparen tuluka alitsü. Iba School Integrated Program kübok kaketshirtem dang Physics, Chemistry, Mathematics & Biology (NIT) nung IIT alumni faculty züngsem temi lenmang balala sayutsü.

Taküm Wokha district ajunga nung Class XI nung Science azüngtsü kaketshir 20 kisüng lir, anungji science education temaba jenjangi ajungketa kaketshirtem STEM fields nung shilem agütsü asoshi ajungshiba nung ibai kanga tongtipang lir.

Taoba CM Dr. Dr. Shürhozelie Liezietsu kinungtsü Khotuoü süogo

Dimapur, Monupii/May 24 (TYO): Nagaland indang taoba chief minister aser taoba Naga People's Front (NPF) tir Dr. Shürhozelie Liezietsu kinungtsü Khotuoü Liezietsu, Deobarnep Apollo International Hospital, Christian Basti, Guwahati nung süogo.

Osang ajanga ashiba agi, ka ya July 26, 1939 küm aso aser May 20 nungi Guwahati nung temang anepalua liasü.

Deobar nikongdang mozüki nung sentong ka agia liasü. La tasümgang Deobar aonung Ruleizo, Kohima nung lar ki tonga bener arutsü imlar aser asüpila sentong Hombark nung nikongdang 2:00 ako nung agütsü.

ASÜKHU LEMSATEPER
Nagaland indang taoba chief minister Dr. Shürhozelie Liezietsu kinungtsü Khotuoü Liezietsu asüba ajanga ni temulung kanga shiranger, ta Nagaland Chief Minister Dr. Neiphiu Rio-i sangdong ka nung ashi.


Khotuoü ya teti sarasadema aliba tetsür ka liasü aser la tamang aser temeim ajanga lar kinunger lungjema yutsü. Bendanga agütsüba aser temeim agi sünger aliba tetsü, kinungtsü aser tetsü, lai lar chirnurtem ajemalu aser taremkük yimyatam amshia anitet. La ya la kinungbo den tashi tait tongshi ka ama nokdaka pa küm aika yimten yimsüsüba nung liyonga arudang yaria liasü, ta CM Rio-i ashi.

La meteta alir ajungai la dak telemla, temeim agi sünger aliba jakla yimya bilemtetsü. La dang tesüngiem, temeim mulungsentsü aliba aser lai temeim ajanga nisung aika takum nung kongshio.

La asüba ajanga kinunger asoshi tesangwa milen ka samaogo, ajisüaka asenoki la takum asoshi Tsüngrem dang pelati. Ni aser ozü kibongi mangyimer kibong den asükhü lemsateper. Tematiba Tsüngrem mangyimer nem tashi aser temulung nung tesunep agüjang ta sarasademsür. Asür tanüla teti tatem maka tesunep nung anisüngzükjangma, ta CM Rio-isa ashi.

Deputy Chief Minister Yanthungo Patton-ia mangyimer kibong den asükhü lemsatepa liasü.

Ni aser ozü kibong-i Dr. Shürhozelie Liezietsu aser mangyimer kibong den asükhü lemsateper. La tejak tesangwa, temeim agi sünger aliba takum ajanga kongshir alir temi la teti bilemtetsü, ta Dy. CM Y.



Khotuoü Liezietsu

Patton-i ashi.

"La tanüla tesunep nung anisüngzükjang aser Tsüngremi kinunger nem tashi agüjangma," ta pai ashi.

Asür Khotuoü Liezietsu ya nisung aika asoshi tetsü tajung ka ama liasü aser la kinungbo nübur tenzükgoko wadang nung inyangdang tashi tait tongshi ka liasü, ta Member of Parliament, Rajya Sabha, S Phangnon Konyak-ia ashi.

Asür Khotuoü ya Dr. Shürhozelie Liezietsu indang takum tembar aser tongshi tajung ka kisüng masü saka Ura Academy Chatha (Advisory Board) nunga züngsem tajung ka liasü, ta Ura Academy sangdong ka ajanga ashi.

Lai reju aintsü aser ajungtsü atema manokshi yariba, shisatsü agütsüba teti bilemtetsü, ta ashi.

Tulusang Tsüngremi kinunger mulungjang nung anisüngzük, tashi aser tesunep agüjang ta sarasademsür, ta Ura Academy-i ashi.

Khotuoü Liezietsu takum tepiyong Tsüngrem, kibong aser nübur nem bendanga agütsür inyaka aru, aser lai sarasadem, temeim aser bendanga agütsüba ajanga nisung aika takum nung kongshio, ta Naga People's Front (NPF) sangdong ka nung ashi.

"Kinungtsü, tetsü aser yimsüsür ka ama lai o agi masü saka tatishitsü keta mapa agi sayu. La tesüngiem aser aria bilemba mulungsentsü aliba ajanga la meteta alir temi la kanga akumtsüba aser meima akum," ta ashi.

La asüba ya Liezietsu'er kibong-i kisüng masü saka Nagaland tesem ajunga nung metetsü, ta NPF-i ashi.

Western Chakhesang Hoho-ia sangdong ka nung Khotuoü Liezietsu asüba asoshi mangyim tejashi lemsatepa liasü aser mangyimer nem tesunepsüba, tashi, anisüngzük aser taneptsüba agi kongshiang ta sarasademsür, ta ashi.



Dimapur, Monupii/May 24 (TYO): Temang anema alitsü aser libajen indang awareness sepaitem, lanur aser nüburtem nem agütsütsü atema Fit India campaign kübok Assam Rifles-i "Sunday on Cycle" sentong ayongzüka liasü.



May 24, 2026 nü New Delhi nung India Minister of External Affairs S. Jaishankar (ajichi) aser United States Secretary of State, Marco Rubio nati osangbenertem den jembidang tangokba noksa nung angur.

India nunger 217-i Russia sepai nung aden aser 49 süogo: Centre

New Delhi, May 24 (Agencies): India nunger 217-i Russia sepai nung aden aser Russia-Ukraine rara mapang nung India nunger 49 süogo aser trok samaogo, ta Centre sorkari Supreme Court nem metetdaksü.

Centre sorkarisa, India nunger 139 Russia sepai nungi anentsüogo aser parnok meypa anir arutsü atema Indian Embassy-i inyakdar, ta metetdaksü.

Ministry of External Affairs (MEA) tenüng nung additional solicitor general Aishwarya Bhati-i Supreme Court bench dang, India nunger trok samaogo aser 23 kong aliar mejangja ta ashia.

Bhati-isa, "Tanüngba nisungtem asüba mesüra samaba jangjatsü atema Indian embassy-i maneni Russia den tongtepratepa jembidar aser parnok India-i anir arutsü atema

inyakdar," ta metetdaksü. Tang tashi nung Indian Community Welfare Fund kübok air tickets 48 agütsüogo, ta lai ashia.

Tang Ukraine den raraba mapang kechiba India nunger aikati Russian army nung adener, ta asüngdangba langzüdang Centre-i Supreme Court dang, Russia-i par sepai nung dendaktsütsü atema bendangertem lenmang balala ajanga mesüzüker, ta metetdaksü.

"India nunger karibo parnok sasa telemetba agia Russian army nung aden, aser ibaji mezüing dollar sen 5,000 agütsütsü nangzükba den külemi ita shia itasen dollar 2,500 agütsütsü tenangzükba agi lir; iba denji külemi parnok nem Russia senso agütsütsü, teyari balala agütsütsü aser süadokra dollar sen 1,68,000 agütsütsü ta nangzükba liasü," ta Bhati-i metetdaksü.

Yimsü meyiper tribal nisungtem ST list nungi agientsü akhanger

New Delhi, Monupii/May 24 (Agencies): Amongnü (May 24) linük tesem balala nungi tribal nisungtem meyrjang aika New Delhi nung aliba Red Fort grounds nung adenshia senden amen aser Khristan mesüra Muslim yimsü dangi meyiper tribal nisungtem Scheduled Tribe category nungi agientsüla, ta takhangba agütsüogo.

RSS den affiliate süa aliba Janajati Suraksha Manch aser telok balalai 'Janajati Sanskritik Samagam' senden ya ayongzükba liasü.

Tribal lenir, Birsa Munda sor küm 150 ajungbamong nungtem nung Red Fort grounds nung iba senden ya ayongzükba liasü.

Janjati Suraksha Manch nungi Maalaya Jigdung-i, "Iba sobaliba sentong ayongzükba nükjidong ya tanga yimsü dangi meyipba tribal nisungtem Scheduled Tribe category nungi agientsü atema takhangba agütsütsü atema lir. Taoba mapang tribal lenir Kartik Oraon-i mezüing 1960s mapang nung taoba mapang Ato kilonser Indira Gandhi nem iba takhangba ya agüja liasü," ta metetdaksü.

Jigdung-i, iba ama ayongdena senden akaba ajanga Arrla 342 kübok linük temzüing yanglushitsü atema takhangba agütsütsü, ta ashia.

Sentong ayongzükertemi ashiba agi, linük tesem balala nung aliba tribal telok 500 nungi nisung lakh 1.5 jungnüa iba senden nung denogo.

Osangbener den jembidang

Jigdung-i, "Iba ya onoki takhangba agütsübatem rongnung tejentiba lir aser Janjati Suraksha Manch tentetba nükjidong ya iba takhangba atema lir. Iba sentong ajanga onoki tribal sobaliba maitsü sayutetba den külemi tanga yimsü dangi meyipertem ST nungi agientsü asoshi takhangba agütsüba tashi itshiogo," ta metetdaksü.

Iba sentong tenzüka Delhi kübok tesem pongu- Rajghat Chowk, Ramlila Maidan, Ajmeri Gate Chowk, Qudsia Bagh aser Shyamgiri Temple nungi yimdong süa jaja aser parnoki kilometer 2.5 nungi 3.5 shi jajaba sülen Red Fort grounds nung adenshia liasü.

Shilem agirtemi sobaliba sübotsü sübur tribal wakotem ama liasü. Parnoki asem atem aser sobaliba yar tsüingsanga Delhi yimti-yimdong süa jaja.

Iba sentong nung Assam, Tripura, Bihar, Jharkhand, Odisha aser Andaman & Nicobar densema state balala nungi aikati shilem agiogo, aser iba ya tribal sobaliba sentong tulutiba liasü, ta sentong ayongzükertemi metetdaksü.

Bihar nung tribal lenir aser taoba mapang Congress MP, Kartik Oraon-i 1967 küm MP noklang aikati sign süa aliba temepishiba ka agüja liasü aser 1970 küm nunga Khristan yimsü mesüra Muslim yimsü dangi meyipba tribal nisungtem nem Scheduled Tribe kübok tajangzük kecha magütsütsüla, ta takhangba agüja liasü.

Assam nung Karbi Anglong district nungi North East Janajati Dharm Sanskriti Suraksha Manch nung organizing secretary, Balaram Phangcho-i, Karbi Anglong district kija nungia nisung 2,000 nungi 2,500 shi Delhi-i oa iba sentong nung aden, ta metetdaksü.

Phangcho-isa, "Iba ama sentong ya tang mezüing ayongzükogo. Tribal nisungtem mesamatsü atema onoki inyaktsü. Tanga yimsü dangi meyipertem, talisa Islam mesüra Khristan yimsü dangi meyipertem ajak Scheduled Tribe category nungi agientsüla. Arrrla 342 kübok ozüing yanglushia ST list nungi parnok agientsüla," ta metetdaksü.

Phangcho-isa, "Iba onük ya tribal maitsü aser sobaliba mesamatsü atema lir, ibayongji kanga tezülen aliba yimtsüngtem nungia aikati Delhi tonga ao," ta metetdaksü.

Tripura nungi Shanti Bikas Chakma-i, "Maitsü aser sobaliba na sendaktepa lir. Kü maitsüji kü sobaliba. Kü sobaliba samara ni-a samatsü," ta ashia.

Chakma-isa iba sentong nung adenertem anenzükdaksüba, chiyungtsü anepalutsüba aser bus/train achaayangtsüba atema Delhi sorkar aser volunteers dang pelaba metetdaksü.

Tanga yimsü dangi meyiper tribal nisungtem ST list nungi agientsü atema takhangba agütsütsü nükjidong nung 2006 küm Janajati Suraksha Manch ya tenteta liasü.

Red Fort amakba ken o nung tai tonglokja alisangi ChatGPT amshi: NIA

New Delhi, May 24 (Agencies): Red Fort area nung bomb amshia amakba ken o dak sendakba nung National Investigation Agency (NIA)-i, Al-Qaida nungi jakzükba telok nungi kati kiralongratsü atema artificial intelligence (AI) tim masüba nung amshi, ta metetdaksü.

NIA-i, iba ken o nung tai tonglokja alisang jagi rocket Improvised Explosive Devices (IEDs) renema liasü aser pai itemji Jammu & Kashmir nung Anantnag district kübok Qazigund arem nung tendanga liasü, ta metetdaksü.

Yaküm November 10 anogo nung IED bomb tesashi bena aliba gari ka Delhi nung aliba Red Fort area anasa pokdakja liasü aser iba tatalokba nung nisung 15 asü aser aika yiru.

Iba ken o nung tai tonglokja alir, Jasir Bilal Wani ya Al-Qaida in the Indian Subcontinent (AQIS) den sendaktepa aliba Ansar Ghazwat-ul-Hind (AGuH) nungi lir, aser item telok ya kiralongrar organisations lir, ta Ministry of Home Affairs-i sangdongogo.

NIA-i ashiba agi, 2024-25 küm Jasir-i Faridabad nung aliba Al Falah University campus anaben-aseben shi semdanga liasü aser kiralongratsü atema pai technical teyari agüja liasü.

Iba university nungji inyaker doctor asemia Red Fort amakba nungji shilem agiogo ta tai tonglokja lir. Dr Adeel Ahmed Rather-i Jasir aser Dr Umer un Nabi na metetpelaja liasü aser bomb bena aliba gari anisang den-a metetpelaja liasü.

Dr Adeel-i Jasir nem IED ingredients agütsü aser Dr Umer-i improvised rocket IEDs indang research agiba sülen kiralongraji achaaayanga liasü. Jasir-i YouTube aser ChatGPT amshia rocket yangluba angazükba liasü, aser ibaji kiralongratsü atema tim masüba nung digital aser AI platforms amshiba lir, ta NIA-i metetdaksü.

Jasir-i rocket IEDs ji renema Qazigund arem nung tendang aser iba mapang nungji Dr Umer, Dr Muzammil Shakeel aser tangartema liasü.

NIA-isa, Dr Umer-i Jasir nem drone ana agütsü, aser ibaji drones nung tapoktsü inoker Kashmir densema linük tesem kar nung security installations amaktsü atema liasü, ta ashia.

Ano Anantnag district kübok Youshmurh arem nunga Dr Umer, Jasir, Dr Muzammil aser Dr Adeel nungeri cylinder-based IED ka tendanga liasü, ta NIA-i metetdaksü.

December 2023 nungi January 2024 tsüingda Jasir-i pa indang Flipkart account ajanga oset aika manga-a liasü, aser item oset rongnung sensor-inductive proximity switch ka, heat gun, piezo plate, remote-control relay-switch RF transmitter, receiver kit, flameless rechargeable pocket lighter, soldering kit aser LED electronic kit densema lir.

Jasir-i item oset ajakji 'assemble' asüba sülen Dr Umer nem agütsü. Tesülen Dr Umer-i 'trigger mechanism' amshia Red Fort anasa gari nung bena aliba IED ji pokdaktsü.



Dharamsala, May 24, 2026: Local body elections agitsü anogo ka jakdang Dharamsala nung election ketdangsertem polling stations-i apusoa aodang tangokba noksa nung angur.



TIR YIMYIM YIMOBILEM (EDITORIAL)

DIMAPUR MONDAY, MAY (MONUPII) 25, 2026

Taoker mali, tejaner dang !

Nagaland nung, talisa, Kohima aser Dimapur ama yimti nung alirtem rongnung jana aokerbo mali saka ajak tejaner dang amai akümba agi, asenoki yimti yimdong , kilentsü aser ayong nung janaona endokbatemji dang jana amai angur masü saka kasa yimti nung alirtemji dena janaona amai tangaribo repranger. Iba tensa tiaji asenokibo memetet saka tangar tsüngdang asenoksasa asenok akhüm samaba mapa kaji aji asütsü. Aji oda, asen lima nung dang masü saka tanga limatem nunga nisungtemi amshir aser chiajemer endokba janaona mashi nung endokba aser mashi nung nangdenba agi tzü mopong menendakja tashidak tapu balala poktetdaksür aser alima aser yangji aliba yimtitem topur mejungi kümdaksür asünungji, government-i nübortem dang pei pei kidang nungi jana bendena endoktsü asoshi inyakyim tapu balala ozüng küma lateta yutsür aser itemji mapa küma inyaksü asoshi state government kübok department aser Urban Local Bodies nem tashi aser khuret agüja lir. Ajisüaka, parnokia nübortemi angateta junga inyaksüsa temulung agüja inyakba mangur aser nübortemia peisasa tangatetba nung pei ki ama pei yimti yimdonga merüka ayutsü asoshi mebilemer. Iba jagi, tanga lima nungbo nisungtem aliba kitembo tajung masütsüa akok mesüra parnok kimajia topur junga meytuteti alitsüa akok saka parnok aliba yimti yimdongjibo kilentzü nung dena ajem tsükbaa ngua temerük aser narodong agi külena-külena topur junga anepaluteter angutsü. Aji oda, tanga lima nungbo yimti yimdong nung teronem menema topur junga ayubaji government-i inyakba tesadangka, aji 50 % aser nübortemi angateta inyakbajaji shilem tesadang ka, aji tanüngba 50 %, anungji pei yimti yimdong merüka yutetba tajungji government o nübortem na 50:50 asütsü. Ajisüaka, asenokbo meyiper, asenoki asen yimti yimdong merüka meytutetbaji government nung sen aser tashi agütsür inyaksü purtemi meinyakba agi asen yimti yimdong merüka meytuteter, aji 50 %, aser külen nübortemia tangatetbo angateter asütsüa akok saka mangatet amato pei kidang nungi janaona ajak bendena bener arua yimti yimdong tezü külen mesüra kilentzü nung endoker, aji tanüngba 50 %, anungji asen yimti yimdongtem janaba tamajungjia government aser nübortem na 50:50 asütsü. Aji oda, Nagaland nung terenlok mapa meinyaketetba dang masü saka janaona agi pei yimti yimdong aser alima menenba tebilemtsü ya nübortemi government nem tai tongloktsüli aser government nung alirtemia nübortem nem tai nungloktsüli ta aitsütepba ya shitak dang, kechiyong Nagaland raksaba aser janaba mapatem nunga government o nübortem na shilem 50:50 asütsü. Iba mapa nunga asen o pi na tetsüngdaji aji lir. Pibo tajung nug 50:50 saka asenokbo tamajung nung 50:50. Ibaji melenshitsü atema, tamasa government nung alirtemi pei shilem 50 % ji inyakmatsüla, kechiyong government shilem 50% nungji nübortem nem tangatetba agütsütsü aser inyakyim sayutsü aser janaona bendenba , endokba aser jana agi tagitsü rongsen küma yanglutettsüsa inyaksü tetuyuba, tashi, khuret aser sen agüja lir. Ano, tanü asüngbo tajung kaji, nübortem nem tangatetba agütsütsü asoshi mapang endoka aser nübo tsüka mesenzüyonga "Social Media" Platforms teperi lir, anungji itemji ajanga noksa dena adoka sayua nübortem nem tangatetba agütsütsü tim. Aji mapa tasak masü. Ajisüaka, pei yimti yimdong merüka ayutsü asoshi nübortem nungi saru agiba aser government nungi anguba ajak asen tebok aser asen kibong asoshi dang endoker, tai aser tamakok ajak nübortem nem tongloktsüra, aji tim masü, aji 50% agi inyaksüba mapaji masü. Ano, nübortema pei kima yimdong merüksüabajibo pi mapa amai bilema, asen ki janaba janaona dena okdena kima yimdong nung endokra, ajia masü. Aji pei yimti yimdong topur junga anepalutsüba mapa nung nübortem shlem 50% ji masü. Joko, asenok dang ya tangari tejak meyang, tepo meyuang, tzü chiguang, kiojen aser kima yimdong merüka uang ta ashitsüba mapang masü saka asenokiang tangar dang ashitsüba mapang lir. Tangaria asenok dang nungi yamaji imlar, saka asenok mapa agi asen limaibo, taaktsüka, tangar anir arua asen yimti yimdong sayutsüla masüba tia ka nung lir. Iba tamajung ta tajungleni yakta meyiptsüla.

OLEMSABANG

AZÜNGMEYAKA ANÜ LUDAKTSÜR

~ Thriocy STM, Mokokchung

Nüburtem mulungjang nung
azüngtsü tejaneraba ka mali,
tera ramia aoba angudang
kü mulungjang anisüngzük
ka mungui Anü ludaktsür.

Anogo piyong kü kisüng toktsür
oagi aben süoshi ayokdakjiang nungteper,
jenjang tasak süaka mokorai
nungtepa süoshi aliteper.

Alitsübo toktsür terangloka
merangloker kü dakbo.

Achiajemba aser aben süoshibo
jenjang tasak süaka oda meratai alir,
jenjang tajemba nung anguba
koba tazüngtsü kakat lir,
ibaji alia azüngtsübo yimdangia marur.

Tazüngtsü kakat ka alia azüngbaji
shisatsü aliba den kasa ta angatetra koda tajung,
tazüngtsü kakat ka den tembar ayimbaji
taküm piyong asoshi shisatsü
renlokaktsüba lenmang ka lapoker lir.

Tanü reprangdangra kakat
ayokdakbo koda azüngmeyaka angur,
Oli orar jenti watitepakasa
kong tazüngtsü kakat ayokdak lir,
Yangji tetsüng ajemokerbo mali.

Shi alepdak aser mobile phone ayokdak
nungtepa medem, tazüngtsü
kakat ayokdakjia kasa nungtepa
alia azünger asübo koda jungla nah! ta
temulung shirangseta azüngmeyaka
Anü ludaktsür.

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Khristan melungtet teloktemi Congo nung Ebola anema rarar



Democratic Republic of Congo (DRC) nung Samaritan's Purse indang disaster response team ka noksa nung angur.

May 24, 2026: Khristan melungtet telok aikati tang Ebola tashidak agi kongshia aliba Democratic Republic of Congo (DRC) nung iba tashidak anema rarar aser teyari balala agütsüsa atema renemdar.

Anogo ishika tejaklen World Health Organisation (WHO)-i Ebola ya public health emergency ka lir, ta sangdongogo.

Talisa Ituri province nung Ebola indang Bundibugyo strain kanga putetogo aser iba strain atemabo tang tashi vaccine mesüra treatment mali.

Khristan melungtet telok Tearfund-i, iba tashidak prokba nokdangtsü atema DRC nung parnok team aikati Arogotem aser Khristan lenirtem den senteper inyakdar, ta metetdaksü.

Ituri province kübok Bunia semdangba sülen DRC atema

Tearfund Director, Poppy Anguandia-i, iba tashidak ya amokmeren tuluka lir, kechiyong iba region nung nisung aikati kanga oli-ora asür, ta metetdaksü.

Anguandia-isa, nisung aika oli-ora asüba ajanga iba tashidak nokdangtsü atema 'contact tracing' asütsü kanga tasak, ta metetdaksü.

"Ebola tashidak nokdangtsü atema onoki mapang meindoki Khristan lenirtem ayongdener. Pastor temi nüburtem dang teka metsüksü, medical teyari bushitsü aser asürtem temang koma anepalutsüar tesayuba agütsüdar," ta paisa metetdaksü.

2018 aser 2020 küm Ebola tashidak prokba mapang nunga Tearfund-i health centres den senteper teyari mapa aika inyaka liasü.

Ano külen Khristan melungtet telok Samaritan's

Purse-ia DRC linük dangi specialist disaster response team ka yokogo, ta metetdaksüogo.

Response team nungji specialists, engineers, tashidak prokba nokdangba tsütsü mongintem aser medical nisungtem densema alitsü.

Samaritan's Purse Tir aser sayutsüingir, Franklin Graham-i, "Küm ter dak tali Ebola tashidak anema Samaritan's Purse-i rarar aser onoki iba rara ya manentsü. Taküm aika kümzüksü atema onoki ajak inyaksü. Onoki nisungtem nem 'Tsüngremi parnok meimer' ta metetdaksüner," ta ashi.

Tamalen Ebola prokba mapang nunga Samaritan's Purse-i Liberia aser DRC nung Ebola treatment centres lapoka liasü aser public health education campaigns nung Arogo nung lenir meyirjang aika nem shilem agidakja liasü.

ANOGO ABEN TSÜNGREM DEN

Paul sarasadem yimya

"Ni kü sarasadem nung nenok tenüng tetshia nenok indang maneni tenüngsang agütsür" (Ef. 1:16).

Paul sarasadem nung yimya ana keta lir. Mezüngbuba: Efesa nung amangbapur tamang aser Tsüngrem temeim temeshi asoshi Tsüngrem nem tenüngsang agütsür. Tanabuba nung : Paul-i maneni parnok asoshi sarasademtsür. Paul-i mepishitsüba nükjidong sarasademji tetuyuba ana liasü.

(a) Parnoki Tsüngrem tajaba 'teimla' tali jangja-a metettsü asoshi, tanela shisatsü aser jungkai adokba Tsüngremi agütsütsü.

(b) Tsüngrem tajaba 'teimla', 'sentsüwangshi' senmang aser Pa ain tulu, parnok mulungjang agi metettsü asoshi.

Tsüngremi asenok ya nükjidong ka nung jaa lir. 'Khrista yimjung nung pelateptsü asoshi aser taküm ka tetemsü tapet nung alitsü asoshi Pai asenok aja (Kol 3:15). Tsüngremi asenok nem nangzükba senmangjibo kodanga mesamatsü, meraksatsü, saka asenok asoshi Kotak nung ayutsü (1 Pet 1: 4). Tsüngrem chirtemji Tsüngrem senmangertem lir. Anungji, Pai kechisa nangzük ajibo Pai atalokdaksütsü. Tsüngrem tashi tuluji takokba agi sayur. Efesa nung amangbapur taküm tetemsü tapet nung alitsü asoshi aser Tsüngremi aja ta metettsü atema Paul-i sarasademba ama, kasa sarasadem asenokia kija aser telok asoshi sarasademtsüdi.

Koinonia Baptist Church-i Vidima nung Prayer Centre ka semzük

Chumoukedima, May 24 (TYO): Amongnü Koinonka Baptist Church-i Vidima, Chumoukedima nung Koinonia Prayer Centre tasen ka meshiteta semzükogo.

Arogoi tamalen Tsiesema Basa nung Prayer Centre ka lapoka liasü aser tang prayer centre tanabuba lapoker, ta Koinonia Media Ministry-i sangdong ka nung metetdaksü.

"Kü ki dang sarasademba ki ta ajatsü" (Mathi 21:13) omen nung ajemdaker iba sentong agia liasü.

Koinonia Baptist Church nung Assistant pastor, Zashkho Hibo leniba nung iba sentong agi aser Koinonia Baptist Church tentetsang aser Kohima Bible College nung principal, Rev. Dr. Zotuo Kiewhuo-i Tsüngrem O jembia liasü.

Rev. Kiewhuo-i, "Sarasadem masüba Arogotem aser Khristantemi kodanga takok mangutsü," ta metetdaksü.

Haggai mapang nung atalokba metetdakja pai,

tamangertemi sarasadem masü saka tenüngsang agütsüba den tekülem dang agia liasü, aser mamangertemi parnok atalaja liasü, ta metetdaksü.

Paisa, ajisüaika parnok i asentenshir temelung meyipba kentem aten, ta ashi.

"Arogotem, prayer centres aser tamangertemi sarasademtsüla," ta pai ashi.

Mapang ka nungbo Haggai aser Paul na kanga ratamata liasü aser reshikangshi ajangshiba Khristantemi mapa tamajung inyak, ta pai ashi.

"Khrista nung asenok tasen poktetba; tejenbatem süiogo aser ajak tasen kümogo," ta shia pai tamangertem dang Khrista dangi arutsü aser Yisu Khrista atema samaba tanelatem kümzüksü ayongzük.

Kasa sentong nung evangelist Ruokuoneizo Sanchu aser Assistant pastor, Zashkho Hibo na prayer centre nungji toklang tenzüksü atema meshiteta sarasademtsü.

KBC nung Deacon, Lhouzakie Rutsa-i, Koinonia Baptist Church küm 25

ajungbamong (1998-2023) nüngtem nung iba Prayer Centre lapoker, ta metetdaksü.

Iba project ya 2024 küm June 18 nü Rev. Dr. Zotuo-i tenzükja liasü aser September 2 nü lenmang yanglu tenzükja liasü, ta paisa metetdaksü.

Iba Prayer Centre yanglutsü atema ita 21 agi aser tanü iba centre semzükter, ta pai ashi.

Koinonia Prayer Centre nung pastor H Rokopra Mekro-i tepela o jembidang pai, Dimapur densema tanga district aika ayimjemtsü atema Rev. Zotuo Kiewhuo-i mangdang ayuba tang atangji ataloker, ta metetdaksü.

Iba prayer centre ya Nagaland nung alirtem, talisa Chumoukedima aser Dimapur nung alirtem atema temeshi tesem ka lir, ta pai metetdaksü.

Iba project takok anguba atema talisa pai Lhouzakie Rutsa (Deacon), Rükhievituo Bao Kerhüo, Kekhrieselie Kekhrieo Kiewhuo, Sede Meyase, Women Fellowship KBC aser ali tenlar Seitseilhou Virie nunger dang pelaba

metetdaksü.

Ali tenlar Seitseilhou Virie tenüng nung jembidang par jabaso Ruokuo Kire-i, iba centre lapoktsü atema tebui kanga sarasadema liasü, ta ashi.

Tebui züluba osang metetdakja pai, "Tepela nung ni Tsüngrem sentsüwangshi atema iba ali tenlar. Tarutsü putu aika iba tesem ya sarasademba, taneptsü anguba, tekülem agiba aser tekümtet anguba tesem ka asütsü atema ni sarasadem. Iba tesem nungi sarasademba ajak telangzuba angutsü, temelungjang melenshitsü aser tanela ajak Tsüngrem dangi anasaba aotsü atema ni sarasadem. Kibuba tenüng temaba nung ajungkettsür," ta metetdaksü.

Kasa sentong nung Ruokuozenuo Meyase, Men's Fellowship, Women's Fellowship, Youth aser Jr CYE Fellowship-i ken balala aten.

Vidima nung Koinonia Prayer Centre ya mapang ajak nung lapoka dang alitsü aser anepdang shia 4:30 ako nung sarasadem tenzüksü.

Pope Leo-i taküm November ita nung Uruguay semdangtsü

May 24, 2026: Taküm November ita nung Pope Leo-i Uruguay semdangtsü, ta Montevideo nung aliba Catholic Arogoi metetdaksü.

Osangbenertem den jembidang Uruguay Foreign Ministry-ia, Pope-i linük semdangtsü aliba atema parnok renemshidar, ta metetdaksü.

Pope-i southern Latin America sema senzütsü, ta taküm February ita nung mezüng sangdonga liasü. Pope-i Peru aser Argentina nata semdangtsü.

Latin America nung kanga secular linüktem rongnung Uruguay densema lir. Iba linük nunga Arogo aser sorkar na khenyongi balala.

Taküm küm tatemanglen Pope Leo-i Latin America nung linük aika semdangba mapang nung lokti tulu adenshitsü imlar.

Pope Leo ya tamalen Peru nung küm aika missionary inyaka liasü. Leo, taoba mapang U.S. Cardinal Robert Prevost ya Peru kübok Chiclayo nung aliba diocese nung mezüngbuba ordained bishop liasü aser 2015 küm Peru senso aküm.

AO OSHI ANGAZÜKDAK:

TANÜ ANGAZÜKTSÜBA OJANG



Yidaktsü

(v) telongi yokba (made to get inside)

* Tanurtem ajak takdang telongi yidaktsü.

Yijemer

(n) yi ajemer nisung (drunkard)

* Yijemer denbo kibong makümtsüla.

OLONG PAITEP # 7514

1		2		3		4		5
			6		7			
8								
					9			
			10					
11								12
				13		14		
15								
16						17		

TIPLIN

- 1. Nüji masü - (4)
- 3. Technütsüka - (6)
- 7. Aketa shirangba - (5)
- 8. Pi - (6)
- 9. Amena - (5)
- 10. Kinü - (5)
- 11. Tanang masü - (5)
- 13. Lenmang - (6)
- 15. Nübo tedi - (5)
- 16. Tuoshi - (6)
- 17. Shiruru apuba temenatsü - (4)

LANGTSÜNGLEN

- 1. Jila tulu - (5)
- 2. Sarasademdang tembang - (4)
- 4. Tarutsü indang ashirtem - (6)
- 5. Alia - (5)
- 6. Mojing - (5)
- 9. Tai inyakba metet - (5)
- 10. Medemer chijiba - (6)
- 11. Tatokba / Amadok - (5)
- 12. Anüngdang masü - (5)
- 14. Jabaso masü - (4)

OLONG PAITEP # 7513 TELANGZÜBA

TIPLIN :

- 1. Tesangra, 5. Mungo, 7. Kisen,
- 8. Salem, 12. Semki, 14. Kilem,
- 15. Kensü, 16. Sangpang.

LANGTSÜNGLEN :

- 1. Temesen, 2. Raksa, 3. Aon,
- 4. Aso, 6. Nile, 9. Alizüng,
- 10. Omen, 11. Lemta, 13. Ola,
- 14. Kin.

NAI-A YA METETTER



Thailand nungi skydiver kati Chile nung "world's highest active volcano" nung anenzükba ajanga alima otsü tasen ka yangluogo.

Iba nisung ya Tanaboworn Sirikunakornkun lir aser pa dang "Super Toom" ta ajar. Pai March 14, 2026 nü Ojos del Salado (5,442 metres above sea level) nung anenzükba ajanga "highest altitude landing of a skydive/parachute jump" otsü yangluogo ta Guinness World Records-i metetdaksü. Arishi küm 48 tain Tanaboworn ya real estate entrepreneur aser university professor ka lir. Pai 2024 nungi skydiving asütsü tenzük aser tang tashi nung 1,250 jumps süogo ta Guinness World Records-isa ashi.

ACS officer kiojen nungi Rs 1.18 crore ngutet

Guwahati, May 24, 2026 (Agencies): Assam Directorate of Vigilance and Anti-Corruption (V&AC)-i May 22, 2026 nü ACS ktdangsür Lachit Kumar Das'er kiojen ka mita aodang Rs 1.18 crore aser ali kulikaket aika ngutetogo.

Süpokrem agiba ken o ka nung Lachit Kumar Das apuba sülen anogo ka lir Guwahati nung Queen's Garden, Ranibagan area nung ki ka mita aodang sen aser kulikakettem angu.

Das ya Land Records department nung Additional Director inyaka liasü aser ali ayoktsü temelaba agütsütsü atema pai No Objection Certificate (NOC) agütsütsü asoshi Rs 45,000 süpokrem meshia agidang pa apu.

NOC atema pai Rs 1 lakh süpokrem meshi ta ken o ka benoka liasü ta Assam Directorate of V&AC-i ashi.

Iba ken o nung ajemdaker Rupnagar, Guwahati nung aliba Directorate of Land Records office nung mita atadang Das-i pa indang chamber nung süpokrem meshia agiba sülen apu.

May 21 nü pa apuba sülen vigilance teams-i Beltola kübok Rani Bagan area nung par ki mita ao. Idangji par kidang locker ka nung Rs 48.38 lakh yua aliba bushiteta liasü.

Ktdangsürtemisa Rs 80 lakh jungnüa fixed deposit certificates den insurance documents, bank account records, aser Das aser par kinungertem indang immovable properties den sendakba papers ngutetogo.

Indian Army-i Assam nung Project NAVBHARAT agi

Guwahati, May 24, 2026 (Agencies): Indian Army kübok Spearhead Division ajanga Assam nung Project NAVBHARAT kübok inspirational programme ka ayonga agiogo.

Iba sentong ya lanurtem ajungmesotsü aser national unity & service akangshitsü atema lir. Iba sentong nung Likabali aser

OFFICE OF THE CHUCHUYIMLANG MEJONGENSHI ASO KIDONG DIMAPUR & KOHIMA UNIT

KONANG TETUSHI AGÜTSÜR.

Wb. Tongpangkaba aser Wt. Angumsola tena jala, Dr. Bendangsenla Pongener, Department of Botany, Nagaland University, Lumami nungi, Topic :- "Molecular Identification and Biochemical Characterization of the Endophytic Bacteria Associated with the root Nodule of some Crop Legumes from two Districts of Nagaland" nung, Doctor of Philosophy (Ph. D) takok nguteta, kidong nem konang-nüngsang bener aruba atema konang tetushi agütsür. Tsüngremi La taküm aser wadang maneni moaja-a takok nung len aniangma.



Sd/- TONGPOK PONGENER Secretary

Sd/- IMSUMANEN PONGENER President.

Tripura-i süng shibelenba azüoktsü atema prangpong 200 alitsü

Agartala, May 24, 2026 (Agencies): Tripura Forest Department-i timber smuggling networks anema inyakdang amshitsü atema prangpong 200 alitsü ta Forest Minister Animesh Debbarma-i ashi.

International Day for Biological Diversity indang sentong ka nung adenba sülen osangbener den jembidang Minister Debbarma-i iba osang metetdaksü.

Sorkari ozüng alema sung shibelenba inyakyim anema forest personnel aser security forces dena operations agitsü ta pai ashi.

"Ozüng alema sung shibelenba ya tayongzükba tulu ka kümogo aser iba inyakyim raksatsütsü asoshi mapa takang

inyaktsü nüngdaker. Department-i forest guards 167 anioktsü mapa inyaker aser parnok nem forestry management den firearm handling indang specialised training agütsütsü" ta Minister Debbarma-isa metetdaksü.

Forest guards tasen shimokertemi anti-smuggling operations mapang Tripura State Rifles den yaritepa inyaktsü ta paisa shisem.

Sorkari plantation aser restoration programmes ajanga state nung arem-min jenjang tajungba kümdaktsütsü meranger. GIS-based mapping ajanga targeted afforestation initiatives inyaker ta Minister-isa metetdaksü.

Meghalaya CM-i Tura Natya Samity benjungmung nung aden



Shillong, May 24, 2026 (Agencies): Meghalaya Chief Minister Conrad K Sangma-i Tura nung Tura Natya Samity küm noklang ka ajungba benjungmung nung denogo. CM Conrad-i Tura Natya

anameta Silapathar nungi kaketshirtemi shilem agia liasü.

Sentong nung kaketshirtem dang special lectures aser Operation Sindoor indang short films sayu aser iba ya parnok tasü aittsü aser linük bendanga agüja tenzüktsü asoshi liasü ta ktdangsürtemi ashi.

Spear Corps nung Spearhead

Division ajanga Indian Army indang preparedness, discipline aser operational capabilities indang operational briefing ka agi aser weapons & military equipment sayu.

Maneni, Commerce College Silapathar nung Operation Sindoor takok anguba indang lecture ka agia liasü.

Samity nung infrastructure development atema Rs 25 lakh agütsüba osang metetdaksü.

"Tesüiba küm 100 atema Tura Natya Samity ya art, culture, aser creativity indang centre ka ama inyakshanghia arur aser aso aika

sempet aniteta arur" ta Meghalaya Chief Minister-i ashi.

Iba senotsü teyari ajanga lanur artists asoshi facilities tajungba akümtsü aser sobaliba maparen ajanga telongiem akangshitsü ta Conrad-i ashi.



Kinshasa, May 24 : Democratic Republic of Congo nung Ituri Province kübok Mongbwalu tesem nung May 23, 2026 nü health workers tem temang nung mesen südaktsüba mapang tangokba noksa nung angur. DR Congo sorkari Ituri Province yimtiba Bunia nungi aruba aser aoba passenger tayimtsü ajunga khen asoshi soita lir, koba tang Ebola tashidak poktetba tesem tiyongtsü lir, ta Ministry of Transport ajanga Honibarnü ashi.

Pakistan nung BLA-i train ka amak; nisung 24 tepset

Islamabad, Monupii/May 24 (Agencies): Pakistan kübok Balochistan province yimtiba Quetta nung sepaitem mena aniba train ka gari nung bomb bener arua amakba sülen nisung 24 tepset aser 50 dak tema yirutsüogo. Deobarnü iba train amakba ya Balochistan Liberation Army-i nangzükogo. Iba telok ya nüjiso bushiba telok ka lir. Quetta nung Indong atalokba tesem nungi Al Jazeera osangbener Kamal Hyder-i ashiba agi, train lenmang anasa aliba kitem aika kanga mejungi raksaogo. Bomb pokdaktsüba sülen train

carriage aika meküpok aser mi adoka liasü. Local media sangdong balala ajanga ashiba agi, Quetta nung mozükitem nung state of emergency ka benokogo, aser doctor o medical staff tem dang mapa metoktsütsü atema tetuyuba agütsüogo. Online nung lemsatepba video tem ajanga gari aser train carriage tem rongsar aliba aser iba tesem nungi mokozü aika adokba nguogo. Hyder-i ashiba agi, ita ishika tsüngda nüjiso bushirtemi Pakistan nung tesem balala aiben maka rudar. Balochistan nung Beijing indang

infrastructure project tem anemertemi China nunger mapa inyakertema maka arudar, ta pai shisem. China-Pakistan Economic Corridor kübok China nung Xinjiang tesem aser Pakistan nung Gwadar port sendaktepogo. Pakistan Ato Kilonser Shehbaz Sharif-i X ajanga train amakba ya aitsüogo. "Iba ama tasümaait kiralongrar inyakyim ajanga Pakistan nung tashi meite mekümdaktsütsü. Kiralongrar inyakyim ajak meshi meshia samatsütsü asoshi nonok maneni bendanga agütsür lir," ta paisa shisem.

Iran ken o timba angatettepogo, Strait of Hormuz lapoktsü: Trump

Washington, Monupii/May 24 (Agencies): Strait of Hormuz tanaben lapoktsü atema yimjung tezüngzüktep ka nung Washington aser Iran memorandum of understanding ka tuluba angatettepogo, ta US Tir Donald Trump-i ashi. Tang tezüngzüktep agiba ya Pakistan tetsüngtai aita jembiba lir, aser iba ya ajanga strait tanaben lapoktsü, ta Trump-i ashi. February ita tatemlen US aser Israel nati Iran den rara tenzükba ajanga iba tzü lenmang shibanga rong mesenzüteti alima nung energy tebilemstü kataktsür. Pai iba agreement nung kechisa inoktsü, ajibo mashi. "Iba tezüngzüktep indang tejangja tang jembiba mapang lir, aser mapang tatsüka tsüngta sangdongtsü," ta Trump-i Deobarnü pa indang Truth Social nung zülü. Iba memorandum yagi ita ishika rara aruba tembangtsü, US-i Iran nunger rong tem mokdanga aliba agientsü aser tzü lenmang tanaben lapoktsü asoshi framework ka agütsür, ta US aser Iran nung aliba media balala ajanga ashir. Iran ket nung aliba enriched uranium onük anogo 30 nungi

60 tsüngta jembitsü, ta osangtem ajanga ashir, koba Washington-i Tehran dang mamshitsü jembia arur. Iran nunger lenir kati ashiba agi, iba memorandum ya Iran indang Supreme National Security Council nung agizükra, tatembang approval atema Supreme Leader Ayatollah Mojtaba Khamenei dangi yoktsü. Ajisüaka Iran indang Tasnim news agency ajanga ashiba agi, clauses ka mesüra ana nung mangatettepba lir. US-i tanen makai tetsükdaktsü agütsüra tangatettepba tatem kati marutsü, ta Tasnim dang osang ka ajanga ashi. Tang aliba tashi mait ceasefire akangshitsü asoshi tezüngzüktep ka yanglutetra, ibaji ajanga markets nung anisüngzük alitsü, ajisüaka alima nung totzü tebilemstü kanga kerabo mesüngjemtsü, koba ajanga totzü, fertilizer aser chiyongtsü jenjang saka kumdaktsür lir. US aser Israel nati February ita tatemlen Iran amakdang aliba totzü jenjang dang nungi tang jenjang ya shilem 43 shi agi timba lir. Rara ya tangsa tembang yonga, iba

strait ajanga akhi ama rong tem senzütsü yabo 2027 küm tetenzüklen mesüra tiyonglen nungi ang tenzükttetsü, ta Abu Dhabi National Oil Company tekolakbai taoba hopta shia liasü. US ketdangsur kati Honibarnü menur US news outlet Axios dang ashiba agi, tang jembiba tezüngzüktep kübok US-i Iran nunger rongnendak tesemtem mokdanga aliba agientsü aser Iran nunger totzü nung tenokdangba agüja aliba kar yutsütsü. Iba draft nungya Iran-ia kodanga nuclear nok-nü meyanglutsü nangzükba dena lir, ta Axios ajanga ashi. Trump-i rara mapang nukjidong balala lemsatepa liasü, aser Iran nem nuclear nok-nü meyangludaktsütsü nukjidong nung US-i amak ta aiben shia arur. Iran-i mapang talangka nungi iba amala nok-nü yanglutsü meranger masü aser civilian atema uranium yanglutsü temeden lir ta ashir, ajisüaka iba oset ya power generation atema nungdakba dang tali lir. (Maneni tapak 8 nung...)

60th Marriage Anniversary

25.05.1966 - 25.05.2026
Mr. & Mrs. S. I. TEMSU aser C. ASANGLA (LIRMEN)



Tsüngrem temeim aser taochi nung küm 60 tashi taküm külemi anir aruba atema Tsüngrem tenüng asanger. Tsüngremi maneni tsürabur takümttem onok akümtong asütsü moajangma. ~ Chirnur, semchir, anükapang.

Russia-i Oreshnik missile amshia Ukraine amak

Kyiv, Monupii/May 24 (Agencies): Russia-i drone aser missile nokla aika yoka Kyiv aser temeket nung aliba tesemtem makogo, koba küm pezü tsüngda iba yimti tesashitiba amakba lir. Russia-i linük yimtiba anasa Oreshnik hypersonic missile-a ka khalokja liasü. Russia-i Honibarnü ayaterem nungi Ukraine amak tenzükba sülen nisung pezü tepsetogo aser nisung 80 dak tema yirutsüogo, ta Ukraine nunger ketdangsurtemi ashiba den, nisung aliba ki aser school-a aika raksaogo, ta shisem. "Kyiv asoshi aonung tamajung ka liasü," ta Kyiv Mayor Vitali Klitschko-i ashi. "Teküzmükertemi mi temsepdar aser jana merektetdar. Medic temi yirur alirtem nem teyari agütsüdar," ta paisa shisem. Küm pezü tejakdang rara tenzükba sülen Russia-i tang agi tasembenbuba Ukraine dak Oreshnik missile khaloktsüogo. Oreshnik ya kilometer meyrejang aika yima oteter aser iba missile yagi nuclear warhead-a benteter. Taoba mapang Oreshnik missile agi tongtibang yimti ana makogo, saka Deobarnü yokba

missile yagi Tserkva yimti amak kong nütsüngyongsük 200,000 lir aser Kyiv nungi km 64 shi pilar lir. Air force-i ashiba agi, Russia-i missile 90 aser drone 600 yoka liasü. Zelenskiy-i ashiba agi, Russia-i water-supply facility tema makogo. Lemluwa tzü atema takhangba tali akümtsü lia Moscow-i item facility tem raksatsüner. Kasa mapang nung Russia-i ashiba agi, civilian tem amakba atema telangzuba agüja parnoki Oreshnik, Iskander, Kinzhal aser Zircon missile tem amshia Ukraine makogo. Ajisüaka Ukraine-i ashiba agi parnoki civilian tem mamak. Russian Defence Ministry-i ashiba agi, parnoki land forces aser military intelligence-i amshiba tesemtem, air base aser military-industry amenoka aliba tesemtem densema Ukraine indang military command facility tem makogo. Moscow-ia, parnoki civilian tem mamaker ta shia arudar, saka rara mapang parnoki Ukraine kübok yimti balala amakba mapang civilian aika tepsetogo.



Jiuquan, May 24 : China nunger astronauts Zhu Yangzhu (achichi), Zhang Zhiyuan (tiyong) aser Li Jiaying nungertem May 24, 2026 nü China northwest tsütsü Jiuquan Satellite Launch Center nung 'send-off ceremony' ka nung adenba noksa nung angur. China nunger astronauts asem ya Deobar aonung anünglaki yoktsü.

Vinesh Phogat Asian Games trials nung shilem agitsü: HC Gulveer Singh-i national record ka yangluogo



Monupii/May 24, 2026 (Agencies): Taruba Asian Games selection trials nung Vinesh Phogat shilem agidaksütsü nungdaker, ta Delhi high court-i tetuyuba agütsüba nung shia lir, koba Honibarnü sangdongogo.

Phogat iba trail nung shilem agitsü temelaba agüja HC-i Wrestling Federation of India's (WFI) selection policy aitsüogo aser ashiba agi, iba policy ya tebandang makai ajak asoshi kasa masü, aser talisa tanur soa bentsür meyipa arur asayaba asayartem atema tim masü.

Chief Justice DK Upadhyaya aser justice Tejas

Karia nati kumtetba bench kati Vinesh ya May 30-31 nü asayatsü aliba trial nung shilem agitsü temelaba agütsüogo, aser ochi mashi inyakym kecha malitsü atema inyakym kumzüka ayutsü tetuyuba agütsüogo.

Sports minister tenung nung advocate Udit Dedhiya-i ken o benokba HC-i mulunga agizüka iba trail ya WFI-i video mangaoka ayutsü aser, Authority of India (SAI) aser Indian Olympic Association (IOA) nungi independent observer kaka iba inyakym nung shilem agidaksütsü tetuyuba agütsüogo.

"Policy aser circular ajanga karbo sentokba tejangja, kechiyong iba ajanga Respondent No.1 (WFI) nem appellant amala nungtugu asayar ka tanur soa bentsütsü atema mapang tatsüka masayai ataba asadangtsü asoshi lenmang kecha melapoktsü," ta HC-i tetuyuba nung shia lir.

HC-isa inyakym meshidakba atema süoki ia bilemba lemsatepogo aser ashiba agi, show-cause notice nung kuli agüja aliba ya jelia renemer aliba aser ken o tembanger aliba ka lapokshiba mesüka lir. Asaya atema aser ochi obendang agütsütsü asoshi appellant ya iba selection trial nung shilem agidaksütsü, ta HC-isa shisem.

"Selection trials atema standard ya taoba mapang inyakymtem dang nungi balaka kumogo. Respondent No. 1-i 29.04.2025 nü national coaching camps atema guideline agütsüba nung Asian Games atema iconic asayar shimtsü asoshi coaching nung shilem magiaka trails nung shilem agitsü atema temelaba agütsütsü respondent nem tashi agüja lir," ta okdakisa tuteta ashi.



Monupii/May 24, 2026 (Agencies): India nunger nungtugu distance-runner Gulveer-i international jenjang nunga kanga junga asema LA Track Festival nung tebur 5000m asemtepba nung silver medal nguogo, aser kasa mapang nung pai outdoor national record yanglur aliba yanglushiogo.

Gulveer-i alizüing 13:03.93 tongteta Habtom Samuel sülen tanabuba jenjang nung tembanga liasü. Samuel-i alizüing 12:57.22 nung tonga liasü.

India nunger asemteper yagi 2024 kum September ita Japan nung alizüing 13:11.82 nung tongteta national record yanglur aliba dang nungi tang second ti agi takaraba alizüing tongteta liasü.

Indian Army Gulveer ya Army tenung nung training agir aser tokteper. Pai takok tajung ngutetba atema Army-i social media ajanga pa nem tetushi agütsüogo.

"Indian Army nungi asayari international jenjang nung ano takok tajung ngutetogo! Army Sports Institute nungi Nb Sub Gulveer Singh-i Sound Running Track Fest, Los Angeles nung

kanga junga asayaogo," ta Indian Army Sports and Adventure-i X nung post sütsü.

Gulveer ya tang United States kübok Colorado Springs nung training agidar aser pa ya tanem tanemi India nunger endurance athlete tem rongnung tajungtiba ka kumdar. Pa ya 3000m track event aser 25km road race naprongla nung mapang ka nung national record bena aliba mezüingbuba India nunger distance runner lir.

Pai 3000m, 5000m aser 10000m events nung national record bena lir, aser pa 5000m aser 10000m naprongla nung reigning Asian champion lir.

Taküm kum tetenzüklen Gulveer ya World Cross Country Championships nung 40buba nung tembang aser iba sülen Winston-Salem nung Sound Running Invite nung 5000m short track nung tasembuba nung tembanga liasü.

March ita pa ya India nunger nungnungi half marathon minute 60 majung tsüingda asemzükba mezüingbuba asayar aküm. Half marathon nung pai alizüing 59:42 nung tongteta Avinash Sable-i national record yanglur aliba ajateta liasü.

Ethiopia nunger Esa-i Cape Town marathon kokogo



Monupii/May 24, 2026 (Agencies): Ethiopia nunger Mohamed Esa-i tebur Cape Town marathon title benogo, aser pai course record (2:04:55) tasen ka yangluogo. Iba asemtepba nung Olympics nung anaben tashi takok ngur aliba Kenya nung asemteper Eliud Kipchoge 16buba nung tembanga liasü.

Esa-i Africa nung marathon ka takaratiba asemogo aser külem Ethiopia nunger Yihunilign Adane 2:04:59) aser Kenya nunger Kalipus Lomwai (2:05:06) na jakdang tembanga liasü. Adane aser Lomwai natia iba asemtepba nung tena indang career nung alizüing tekaratiba tongtetogo.

"Ozü continent nung asemtsü atema kü nem maongka agütsüba atema iba asemtepba ayongzükertem dang kanga pelar. Course record tasen ka yanglutetba atema

kanga pelar," ta Esa-i ashi.

"Ni Africa nung asemtetba atema kanga pelar; course kanga tajung liasü aser nüburtemi ni kanga nongitogo. Eliud ya kü role model aser ni pa kanga akümtsübur. Ni Africa nung pa den külemi asemtetba atema kanga nümadanga bilemer," ta paisa shisem.

Kasa mapang nung Ethiopia tsür Dera Dida Yami-i tetsür asemtepba kokogo. Lai alizüing 2:23:18 nung tongteta külem Ethiopia tsür Mestawut Fikir (2:23:46) ?aser Waganesh Mekasha (2:23:57) nunger jakdang tembanga liasü.

Cape Town marathon ya 2027 kumbo London, New York, Boston, Chicago, Berlin, Sydney aser Tokyo nunger amala tongtibang World Marathon ?asayamungtem rongnung densemstü Cape Town

marathon ayongertem timla lir. Iba nükjidong atongtsü atema taküm iba asayamung ya tatembangbuba asadanga ka asütsü, kechiyong 2025 künbo mopung tali aonba ajanga iba asayamung thia liasü.

BENDANGLI OSANG : Tapak 7 nungi...

Iran ken o timba angatettepogo, Strait of...

Iran indang Fars news agency ajanga ashiba agi, iba draft nungya US aser par tembar linük temi Iran mesüra par tembar dak mamaktsü aser iba yongji Iran-ia parnok dak mamaktsü nangzükler.

Ajisüaka Israel nunger yimten yimsüsür tejangja Benny Gantz-ibo Lebanon nung ceasefire alitsü ya Israel asoshi aibelen tulu alitsü ta ashir, kechiaser par sepaitemi Lebanon nung Iran-i yariba Hezbollah telungpur den rara arur.

Israel Ato Kilonser Benjamin Netanyahu-i Trump dang Lebanon densema timtem aser amokmeren ajunga anema inyaktsü par linük temeden lir ta ashiba Trump-ia mulungogo ta Israel media ajanga ashir.

Trump-ia Truth Social nung Netanyahu den phone ajanga kanga junga jembioigo ta kising zülua liasü.

Osangtem ajanga ashiba agi, iba framework ya shilem asem lemsar tenzüktsü - rara tembangtsü, Strait of Hormuz nung mepetmesü bentettsü aser

agreement tuluba atema jembishinütsü anogo 30 alitsü, koba atsülangtsü akok.

US-i mokdanga aliba agienba den külemi Strait ya lapoktsü memorandum nung shia lir, ta Pakistan nunger osang anati shiogo. US Secretary of State Marco Rubio-i ashiba agi, iba framework ya mulungtepa agizükra, strait lapoktsü aser tolls memeshitsü.

Tasnim ajanga ashiba agi, Strait of Hormuz ajanga rong senzüba nung temelenshi ajak US-i züingzüktepba ama inyakba dak keta lir. Sanctions nung shilem ka ama alima tesem balala nung Iran nunger rongsen soita alibatem iba deal mezüing shilem nung salatsüla ta ashi.

Pakistan nunger osang ka ajanga ashiba agi, US-i iba memorandum ya agizükra, Hukulbarnü Muslim Eid sodi

tembangba sülen ano maneni jembishinü akatsü.

Trump-i Hukulbarnü ang par jabaso hopta tatem nung kiyimba sentong nung madentsü aser Washington nung atatsü kulitem rongnung Iran ya ka lir ta ashi.

Pai Honibarnü Saudi Arabia, Qatar, United Arab Emirates, Jordan, Egypt, Turkey aser Pakistan lenirtem den jemi aser parnok Trump dang iba framework agizüktsü ajungshi, ta Axios ajanga ashir.

Kasa mapang Iran nunger yimjung ken o jembirtem rongnung lenir Mohammad Baqer Qalibaf-i, ceasefire mapang Iran indang armed forces-i par tashi yanglushiogo aser US-i rara tenzükshira, timtem ya iba rara tenzükba mapang dang nungi tesashiba aser takoba asütsü, ta shia lir.

BILEMDANGANG

"Tamagitsü o aika jembiba dang nungibo tagitsü o ka jembiba tajungba."